

31014

外國大事記

民國五年三月 十一日

●西歐之戰爭……法軍與德軍戰。法軍占領喀爾摩森林二百碼。情蒙、倍但古爾、威布爾、布里得爾等處。本日皆有砲戰。而特彪得森林之砲戰尤烈。在維爾通東方面之德軍。仍在情蒙、復何、兩堡壘附近繼續猛攻。

●俄軍占領波斯市街……本日俄軍占領波斯之凱林特市。(一名開爾尼亞)該市在伯達東北一百三十英里。

●美兵驅逐墨國革軍……本日墨西哥臨時總統喀浪石部下之兵士六百人。至距各隆巴斯市六里之處。偕美兵共同驅逐維拉之軍隊。

同 十二日

●俄土之戰爭……俄國黑海艦隊。在黎什附近。保護軍隊上陸。攻擊黎什附近之高地。土耳其軍竭力抗拒。經俄艦發砲相助。俄軍獲勝。占領該地。土耳其軍大受損失。

●法意條約蓋印……法國與意國新訂條約。於本日蓋印。據此約所規定。此後意國人民在摩洛哥者。概服從法國之法律。

同 十三日

●羅馬尼亞兵與保奧兩軍起衝突……本日。有羅馬尼亞船。載

多數羅馬尼亞兵。經過多腦河畔之拉荷華附近。該處保加利亞防兵向之發砲。同時奧國砲艦命該船速離保加利亞沿岸。該船置之不理。與艦乃發砲攻之。羅馬尼亞兵亦即應戰。兩方皆有死傷。

●保加利亞禁用法語……保加利亞政府。本日發布命令。不許使用法蘭西語。特命以德意志語代之。

●俄羅條約蓋印……俄國與羅馬尼亞新訂條約。於本日蓋印。據是約所規定。羅馬尼亞許俄國購買軍需品。及輸運軍需品經過羅境。俄國將勃薩拉比亞地方之某市割讓與羅國。

●美墨之交涉……墨國政府要求美國政府。允墨國派兵。馳入美境。捉拿墨國亂黨。否則美國在未經墨國政府允准之前。亦不得派兵入墨。如美國出以強硬態度。則視為侵害墨國統治權之行為。美政府中人主張代墨國懲罰亂黨與兵力干涉不同。一說謂宜允墨政府之要求。一說謂宜定一限制。美兵入墨。以至界線內四十英里為度。美國旅團長倍爾新少將已率兵馳入墨境。本日美國陸軍部發布命令。令騎兵三聯隊。迅速馳往邊界駐防。

同 十四日

●西歐之戰爭……德軍再開始維爾通東之攻擊。在買士河西岸。

繼續激烈之砲戰。本日德軍占領扣米安爾森林之一部分。德軍又在倍但古爾之東南前進。虜獲法兵一千餘人。

●俄國前任陸軍大臣之審問……俄國高等委員會決議。關於軍需品供給問題。須審問前任陸軍大臣斯克模利諾夫。此項決議。於本日由俄皇批准。

●意奧之戰爭……意軍乘奧國重砲隊移攻維爾通東。即於本日在依松若前線。開始進攻。

●美墨之交涉……美國政府允許墨西哥政府。為追擊亂黨。派兵馳入美境。墨國臨時總統喀浪石之部下。已與入墨境之美兵聯合。追擊亂黨維拉將軍之軍隊。

●塞軍全部退出亞爾巴尼亞……塞爾維亞軍從亞爾巴尼亞移駐各府島者。其運輸手續。業已蕪事。在亞爾巴尼亞境內。已無塞兵一人。此項塞軍。以後概歸法國將軍蒙台奇耳統率。

同 十五日

●奧葡絕交……本日奧國政府命其駐葡公使回國。且交旅行券於駐奧之葡國公使。令其回國。奧葡兩國國交從此斷絕。

同 十六日

●德國海軍大臣之更迭……德國海軍大臣鐵耳比德因病辭職。繼之者為卡潘兒烈氏。

●西歐之戰爭……法軍在毛爾德馬爾森林占領德軍之塹壕。且捕獲德俘多名。又本日法軍擬奪回香檳業之「死人山」。向

31015

德軍猛攻。因德軍所占地位較優。法軍死亡甚衆。其生存者。

悉降德軍。

●法國陸軍總長辭職……法國陸軍總長加利尼將軍因病辭職。繼之者為栗苦將軍。

●美國可決正規兵增加案……美國下議院。可決許大總統將正規兵額增加至十二萬之決議案。

同 十七日

●墨西哥之軍事……美國代墨國平內亂之軍隊。本日夜間。占領加薩斯格蘭得斯。(濟華華之一村)墨國臨時總統喀浪石拒之。

●德國議增新稅……德國財政大臣海爾弗利克氏在議會聲明。照豫算案。必須起五萬萬馬克之新稅。衆皆贊成。

同 十八日

●俄國內務大臣辭職……俄國內務大臣夫華斯篤扶氏辭職。由首相秀得烏爾美耳氏兼攝內務大臣之任。

●法艦之擊沈……法國驅逐艦魯拿唐號在亞得里亞海被德國潛水艇擊沈。溺斃士官三人艦員四十四人。餘均獲救。

●意國徵發德船……泊於意大利諸港之德船三十六艘。均被意政府徵發使用。其總噸數共有十四萬二千噸。

●俄土之戰爭……俄軍占領距埃爾斯倫西面九十「凡爾斯得」(里數)之麥麥哈且地方。獲大砲五門。俘虜八百餘人。

●俄國募集戰時內債之發表……俄國政府本日發表募集戰時內國公債二十萬萬羅布。

●美軍追擊墨國革軍……革軍領袖維拉將軍棄其傷兵三十餘人。

31016

逃往白皮亞哥拉。其羽黨仍襲擊美人居住之地方。殺害美人。

同 十九日

●西歐之戰爭……德軍大敗於買士河東岸。同日德法兩軍在亞爾薩斯之模耳叔森。行空中戰爭。

●德國飛機襲擊英國……本日午後。德國水上飛機至英國多維耳、浪姆斯蓋德、馬蓋德、威斯得蓋德、等處擲炸彈數枚。損傷甚巨。

●英國組織國防軍團……英國陸軍大臣吉青納元帥發布軍令云。英王已裁可組織國防軍團之舉。

●聯合國置設敵艇監視所……聯合國艦隊在各府島及巴得拉斯（為希臘木列埃島之都市在谷林斯海峽南岸）之間。設立敵國潛水艇監視所二十二處。派監視艦遊弋海面。

●保國首相遇險……保加利亞首相拉特拉斯華夫氏。本日乘車出行。途中突遭狙擊。幸而未中。兇手被擒。名伊範那夫。

同 二十日

●英德海戰……本日英國驅逐艇四艘在比國沿岸與德國驅逐艦三艘砲戰。德艦旋即遁入日不魯日港。

●東歐之戰爭……奧軍為俄軍所迫。撤退烏希安索華（在特尼安斯得河上）之橋頭堡。在那拉谷德湖南方之德軍。為俄軍所擊攘。

●波斯俄軍之進步……侵入波斯之俄軍。本日入波斯中央之大都市伊斯拍亨。

●俄土之戰爭……俄國艦隊封鎖德列皮戎特港。（按德列皮戎特

為亞細亞土耳其黑海沿岸之要港）

●美軍入墨之情形……墨西哥叛軍為政府軍及美軍所逼。向北退去。美軍馳入墨境代平內亂者。已達萬人之多。美國總統本日接受墨西哥臨時總統之代表所提出之文書。該文書即陳述願與美國取協同之動作。以追擊維拉之叛軍者。墨西哥人素仇視美人甚深。今以美兵入境過多。頓增其同意于維拉將軍之感情。

●俄國議會閉會

同 二十一日

●俄奧之戰爭……俄軍在加里西亞猛攻奧軍。奧軍於本日撤退塞那維嗣。

同 二十二日

●美國增兵案之通過……美國下議院。本日通過將正規兵加至十四萬之政府議案。

●墨西哥之情形……美軍司令官倍爾新占領加薩格蘭德斯至斯麥特拉間之鐵路。以供軍用。墨西哥叛將維拉部下之兵。在德林達得為政府軍所破。被追擊至第摩爾哥附近。同日。墨西哥赫爾列拉將軍。背叛政府。率其所部二千人。投入叛軍。在濟華華西面反抗政府軍。且向美軍宣戰。

●美國召集預備兵……本日美總統在議院提出召集預備兵五萬人之議案。

同 二十三日

●東歐之戰爭……俄德兩軍在多文斯克附近。通全線猛戰不已。

俄軍占領森林兩處及約谷布斯泰德村與多文斯克南方之塹壕線一部。在樸斯得維(在多文斯克與維爾那之間)之北方。戰鬥最為激烈。

●西歐之戰爭……德軍猛攻亞華古爾森林及在麥浪古爾村之法軍戰線。在麥浪古爾西南。獲得一小陣地。同日於維爾通東之西北哇古爾地方。占領二陣地。

●英德之海戰……英德艦隊。本日會戰於英國海峽。

●墨西哥境內之戰事……墨西哥叛軍領袖維拉將軍以那米基伯市(在濟華華市西北八十英里)為根據地。招募新兵。弗理克狄亞士將軍。率五千人。占領普愛凡拉市。(在委拉古盧斯與墨西哥京城之間)向墨京進兵。美兵在加薩斯格蘭德斯之南。與墨西哥叛軍起第一次之衝突。墨兵死傷者十餘名。另一方面之美軍。在臘哇薩附近圍困維拉之叛兵。入墨之美軍。急欲獲得墨國全境之鐵路權。墨國臨時總統喀浪石不允。勢將決裂。

●德國宣布公債應募數……德國財政大臣海爾弗利克。本日本帝國議會宣言。第四次德國軍事公債。已募得二十萬萬馬克。

同 二十四日

●西歐之戰爭……維爾通東市為德軍砲彈所中。以致焚燒。

●德國潛艇擊沈英船……英國定期航海汽船薩色克斯號與英格利希曼號均於本日被德國潛水艇擊沈。旅客中有美國人數名不知下落。

31017

●東歐之戰爭……俄軍在利加獲勝。突破約谷布斯泰德村德軍

戰線之一部。德軍奪回前日被俄軍所占領之塹壕之一部。
●亞爾巴尼亞問題之解決……保加利亞與其同盟諸國締結條約。規定各在亞得里亞海岸應得之土地。且預定以保加利亞王之次子底里爾為盟主。使亞爾巴尼亞仍為獨立國。并將塞爾維亞之一部分劃入亞爾巴尼亞領域。

同 二十五日

●西歐之戰爭……本日夜間。買士河西岸麥浪古爾、愛弩三〇四高地。德法兩軍有極猛烈之砲戰。

●東歐之戰爭……俄軍在約谷布斯泰德地方與古斯汀霍夫東南大獲勝利。占領列普克村之築壘地域。

同 二十六日

●英國飛機襲擊德軍……英國水上飛行機三架。本日襲擊在北
部修列斯維克、好爾斯泰英之德國飛艇格納庫。受德砲攻擊。
下墜於希爾得島。(在修列斯維克、好爾斯泰英之近海)飛行將
校為德軍所捕。

●巴爾幹之戰爭……德軍在希臘塞羅尼加西北之特伊蘭地方開
始向英法聯軍攻擊。法軍與之對抗。

●意國首相外相行抵法京……本日夜間。意國首相薩蘭德拉。
意國外務大臣松尼那。行抵巴黎。法國首相蒲利安率僚屬至車站
迎迓。

●德國潛艇擊沈英船……英國汽船米納耶包里斯號。在地中海
被德國潛水艇擊沈。

31018

同 二十七日

●巴黎開聯合軍事會議……諸聯合國。各派代表至法京巴黎。開聯合軍事會議。於本日正式開會。討論共同作戰計劃。及將來各種作戰上重要之關係。

●美德之交涉……為德潛水艇擊沈英船陸色克斯號損害美國人民生命一案。美政府於本日命駐德美使什拉特氏向德國詰問。

●墨西哥之戰事……墨西哥叛黨維拉將軍。率其部下。逃入麥米克維拍附近山中。美國騎兵追擊之。

同 二十八日

●聯合軍事會議之決議案……在巴黎開會之聯合軍事會議。決議於本年七月開始各軍總攻擊。於十二月終結戰局。及如左各條款。

一 公認聯合諸國在軍事上經濟上外交上之基礎永遠鞏固。

一 繼續戰鬥至得最後之勝利始止之意思。毫無改變。

一 在巴黎設永久的委員會。專議各種經濟的方法。杜絕供給物料與敵國之途徑。

一 因欲使諸聯合國平均任海上之負擔起見。組織中央運輸局機關。且一概免收運費。

●日葡兩國參加巴黎聯合軍事會議

●德國潛艇擊沈英船……本日英國貨船意葛爾泡英得號。在北海被德國潛水艇擊沈。

同 二十九日

●西歐之戰爭……德軍攻擊買士河西面法軍陣地。占領麥浪古爾村落之一部。法軍在亞華古爾附近大獲勝利。德軍在維爾通東西部突破法軍之戰線。法軍旋即力戰奪還。

●希臘與德國之交涉……德國飛機襲擊塞羅尼加時。擊斃希臘市民二十名。希臘政府即日向德國提出抗議。

●美軍與墨國革軍交戰……侵入墨國之美國騎兵。在安什六尼木(一名達列陸)與墨國叛軍開戰。叛軍戰死者三十人。餘皆敗逃。叛將維拉傷足。

同 三十日

●日本陸軍大臣之更迭……日本陸軍大臣岡市之助本日免官。特任大島健一為陸軍大臣。

●俄國陸軍大臣之更迭……俄國陸軍大臣包里滑那甫。本日辭職。俄皇任命兵站部長曲准藹甫為陸軍大臣。

同 三十一日

●奧意之戰爭……意軍亘全線猛攻奧軍。大有進步。計一星期內。在德倫的諾方面。前進七英里半以上。奪獲十九處陣地。

●俄國病院船之擊沈……俄國病院船泡爾秋加爾號。在黑海為德國潛艇擊沈。

四月 一日

●英總理大臣行抵意京……英國總理大臣愛斯麥士本日行抵羅馬。意政府諸重要人物皆至車站迎迓。人民沿途歡呼。以表歡迎之意。

●美國擴張海軍之計劃……美國海軍總長談毅爾斯在下議院說明海軍擴張案。至一千九百二十一年。美國將有戰艦四十八艘。戰艦巡洋艦二十四艘。裝甲巡洋艦偵察巡洋艦驅逐艦等合計四十八艘。沿岸防備艦六艘。一千噸及八百噸之遠洋潛水艇各三艘。普通潛水艇三十艘。

同日

●德保締結協約……德國與保加利亞締結協約。其內容規定將全部馬其頓及一部分之塞爾維亞割讓與保加利亞。自今以後四十年間。保加利亞之財政。須受德國之干涉。

●俄國運送船之擊沈……俄國一萬二千噸之送運船一艘。本日為土耳其潛水艇所擊沈。

●英皇捐十萬鎊英金於國庫

同日

●英財政大臣報告英國財政……英國財政大臣麥肯那氏。本日在英國下議院提出豫算。計每日軍費須耗二千五百萬圓。去年度不足(即出豫算以外)達五十六萬萬圓。通融與聯合國者。共有十八萬萬五千萬圓。英國負債總額。達十七萬萬圓。

●希臘要求聯軍撤兵……希臘政府因聯軍駐屯於塞羅尼加。德軍時以飛機襲擊。損害本國人民生命財產。要求聯合軍撤退塞羅尼加之駐兵。

●土耳其砲台被燬……土耳其士麥拿聖甲克砲台。受英艦三小時之砲擊。完全被燬。

●墨西哥之情形……墨西哥叛軍領袖維拉氏。逃至濟華華之南方。

同日

●西歐之戰爭……本日德法兩軍猛烈砲戰於亞華古爾至麥浪古爾一帶。法軍奪回阿蒙東北之一高地。

●英德之海戰……德國艦隊在和蘭海面與英國艦隊會戰。德國驅逐艦一艘受重創。

●意國陸軍大臣辭職……意國陸軍大臣德普里陸軍次官愛里亞均辭職。

●英國可決新課稅法案……英國下議院。全體一致可決新課稅法案全部。

同日

●西歐之戰爭……維爾通東北面之戰鬪。仍繼續不已。德法兩軍飛機。在空際作戰。法軍在買士東面繼續前進。達於波亞加伊力泰北面之塹壕。在華維爾地方。有猛烈之砲戰。勞倫方面德軍向法軍突擊數次。皆為法軍擊退。同日德軍占領維爾通東西面之哇古爾。(在麥浪古爾之南)法軍奪取凱亞斯森林中之德軍陣地。

同日

●英土之戰爭……美索波大米亞之番拉希安。為英軍占領。

●俄土之戰爭……俄軍奪得土軍在德列皮戎特南方所築之堡壘。又攻擊該處土軍之中心陣地。土軍從谷六克北部漸退。

31020

●西班牙與德國之交涉……因德國海軍所擊沈之薩色克斯號中。有西班牙人民若干。同時被溺。故西班牙政府。特於本日。向德國政府提出抗議。

●美墨之交涉……墨西哥臨時總統喀浪石。要求美國。於三十六小時內。將在墨國境內之美國文武官員盡行撤退。並發布命令於墨國將校云。美國若不允我要求。當視美國在墨之文武官員為敵。美國政府發表決不撤退駐墨文武官員之意見。

同 七日

●和蘭提出徵兵案……和蘭政府於議會中提出法案云。當必要

時。許政府募集一九一七年度之徵兵。

同 八日

●美墨之交涉……墨西哥政府不借鐵路與美國。且將墨兵聚集美墨交界之處。以備萬一。美墨國交。大有不可終日之勢。

同 十日

●尼加拉瓜批准美尼條約……美國與南美洲尼加拉瓜國締結新約。其內容將尼加拉瓜國之運河開鑿權及供給煤斤所之設置權讓與美國。由美國給與尼加拉瓜國美金三百萬圓以為代價。本日尼加拉瓜國議會已將此條約批准。

